



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Sisnio Nouatianorum Episcopo, & verbis inter ipsum & Ioannem vltro
citroq[ue] habitis. Cap. XX.

urn:nbn:de:hbz:466:1-12704

S O C R A T . H I S T O R .

Ioannes pulsus in exilium, Comanis ad Pontum Euxinum sitis exiuit è vita, decimo octavo Calend. Decembris, ad septimum consulatum Honorij & Theodosii secundum. Vir, vt ante docui, propter incredibile temperantiae studium iracundiæ potius, quām obseruantiae indulgens: qui cum adeo acriter temperantiam consestaretur, per omnē vitæ suæ cursum ore liberiore fuit. Evidem demiror, quid causæ esset, cur cum tam ardenti studio duceretur temperantiae, in quibusdam concionibus doceret temperantiam quodammodo contemnendam esse. Nam cum à Concilio Episcoporum illis, qui semel duntaxat post baptismum lapsi fuerant, locus pœnitentiae concederetur, ille non dubitauit dicere, si millies lapsus, pœnitentiam egeris, in ecclesiam ingredere. Ob quam doctrinam et si in aliorum multorum, etiam qui ei familiares erant, offensionem incurrit, tamen à Sisinio in primis Novatianorum Episcopo, qui librum contra hoc eius dictum conscripsit, grauiter exagitatus est. Cæterum ista iam prius acciderant.

De Sisinio Novatianorum Episcopo, & verbis inter ipsum & Ioannem vltro citroq; habitis.

C A P . X X .

HOCLoco tempus opportunum se offert pauca de Sisinio differendi. Vir erat, vt fæpe iam dixi, admodum disertus: in cognitione Philosophiæ venerat ad summum: atque cum in differendi scientia permultum posuerat operæ, tum in sacris literis explicandis erat apprimè eruditus, adeo vt Eunomius hæreticus propter eius in differendo acumen cum eo congregdi sæpenumero recusasset. In vicissim ratione non adeo parcus, sed in ea quidem, licet summa vitæ moderatione & temperantia esset, paulo fuit liberalior sumptuosiorq;. Deliciis & mollicie diffluere visus est, tum quod albo vestitu vteretur, tum quod bis in dies singulos in balneis publicis se lauaret. Qui cum quodam tempore

tempore rogaretur, cur cum esset Episcopus, bis quotidie se lauaret, respondit: quoniam tertio non possum.

Alias cum Episcopum Arsacium honoris causa inuiseret, cuidam ex necessariis Acacij sciscitanti, cur veste Episcopo insueta indueretur, & ubi scriptum reperiret, presbyterum debere alba veste indui, tu, inquit, prius dic mihi, ubi sit scriptum, Episcopum debere nigra veste vti. Ac cum qui rogauerat, haereret, Sisinius responso haec præterea adiecit: tu quidem non poteris mihi ostendere, quod Episcopum oportet nigra veste indui: at me Salomon sic cohortatus est: Sint tibi vestimenta alba. Itemque Seruator, ut ex Euangeliis constat, Alba veste vti visus est: Quinetiam Moyfen, & Eliam albis vestibus indutos Apostolis demonstrauit. His aliisque permultis acutè dictis eos, qui aderant, in maximam traduxit admirationem. Cum Leontius etiam Episcopus Ancyrae, quae est in parua Galatia, ecclesiam Nouatianis absulisset, & iam forte Constantinoli versaretur, Sisinius ad eum accedit: orat ut ecclesiam illis reddat. Tum Leontius excandescens, illi respondit. Vos Nouatiani, non debetis ecclesias habere, qui pœnitentiam tollitis, & benignitatem Dei ab hominibus clauditis. Ista aliaque id genus complura Leontio ad Nouatianorum reprehensionem dicenti, Sisinius respondit: at neminem adeo pœnitet, ut me. Cui rursus Leontius, quomodo, inquit, te pœnitet? Respondet Sisinius, quod te vidi. Porro autem, cum Episcopus Ioannes illum argueret ac diceret, vnam ciuitatem non posse duos Episcopos habere, respondit Sisinius: nec habet. Cumque Ioannes responsum ægrè ferret, diceretque: Video igitur, quod solus vis esse Episcopus, tum Sisinius, neque hoc dico, inquit: Sed quod apud te solum non sum Episcopus, qui aliis tamen sum Episcopus. Ioannes, responso grauiter commotus, at ego inquit, te à concionando reprimam: nam haereticus es. Huic facetè respondit Sisinius: at ego, inquit, tum tibi mercedem dabo, si me tanto labore liberaueris. Quo responso Ioannes mitigatus: at ego, inquit, minime à concionando te reprimam: si te illud munus afficiat molestia. Adeo quidem in respondendo acutus, adeoque facetus erat Sisinius.

Eccles. 9.

Lucae 9.

x 2 At Ion-

S O C R A T . H I S T O R .

At longum esset scriptis persecui, memorareq; omnia, quæ sunt ab eo commode dicta. Quapropter contentus sum pacis, qualis fuerit, declarasse. Illud tamen dico, eum ob doctrinam omnium sermone fuisse celebratum ab omnibus Episcopis, qui eius ætate ordine alter alteri, ibi succedebat, ea de re & amatum plurimum, & in summo honore habitu: quinetiam cuncti primarij viri ordinis Senatorij eum amplexati sunt, atque adeo admirati. Ac tametsi libri complures ab eo conscripti sunt, inque illis sermonis elegantiam consecutus est, multaque verba poëtica intexuit, dicendo tamen, quam scribeundo plus laudis est consecutus. Nam in eius vultu, voce, habitu, obtutu, & toto corporis gestu multus lepos inerat. Ob quas res vehementer, cum ab omnibus religionis sectis, tum ab Attico Episcopo vel maximè diligebatur. Atque de Sisinio ista quidem hoc modo.

De Arcadij Imperatoris ab hac vita decessu.

C A P . XXI .

NON longo tempore post mortem Ioannis, Imperator Arcadius excessit è vita: vir mansuetus & pacificus: qui extremo ætatis tempore pietatis opinionem adeptus est, idq; ob hanc causam. Est quidem Constantiopolis domus amplissima, quæ Carya dicitur: in cuius atrio est castanea arbor: in qua fertur Acacium martyrem suspensum, occubuisse. Qua de causa parua ecclesia apud illam arborem ædificata fuit: quam Imperator Arcadius videre cupiens, in eam ingreditur: cumque preces ibi peregrisset, decessit. Omnes, qui circiter illam ecclesiam habibant, ad Imperatorem conspicendum confluunt: ac nonnulli extra ædes egressi, transitus platearum anteoccupare contenderunt, vnde putabant se & Imperatoris vultum, & totam stipatorum turbam planius videre posse. Alij Imperatorem ab ecclesia usque eo sequebantur, quoad omnes viri cum mulieribus & pueris extra illam domum exiuerent. Quo facto, illico domus illa, quæ ecclesiæ adiuncta erat, corruit. Vnde fama cum summa omnium admiratione infecuta est, Imperatoris precibus tantam hominum multitudinem ab internecione fuisse liberatam. Atque huius rei gestæ hic existus fuit. Arcadius, filio Theodosio octauum annum ætatis agente